

【國家社會科學基金重大項目】

何建明

主編

中國地方志
佛道教文獻匯纂

寺觀卷

(120)



國家圖書館出版社

【國家社會科學基金重大項目（11&ZD119）】
中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（120）



國家圖書館出版社

湖山便覽卷八

仁和

翟灝

緝

杭州王維翰玉堂重訂

南山路

法雲寺

坐赤山面玉岑舊名慧因院一作惠因後唐

天成二年吳越王建宋元豐八年高麗國王子僧統
義天人貢因請從院僧淨源學賢首教詔許之遣楊
傑伴送以來竟其學歸元祐二年乃以金書晉譯華
嚴經五百卷唐則天時譯八十卷德宗朝譯四十卷
共三部并建經閣之資附貢舶捨院時俗遂呼院爲
高麗寺迨淨源入滅義天以祭奠爲名遣侍者壽介
等五人並貢金塔二座仍令其人尋師學法時蘇文

月丁巳覽卷八

赤山

一

忠公守杭連上三疏謂外國假此嘗探中國寺僧得利而館待錫予公私告病深爲未可朝議是之止令祭奠不得受塔亦不容其尋師遊覽發遣其人還國三疏今在集中元延祐四年高麗駙馬潘王璋又嘗進香幡院中趙孟頫有碑書其事至元末兵燬十遺二三明正德間興復國朝乾隆二十二年

皇上賜題法雲寺額

曹旣明有懷湖山留題慧因寺

湖

跬步成契闊豈無朝夕思或以塵累奪何當淡相從
長年席不割○馬臻題高麗寺因上人房清淨觀
竹屋翠微裏開軒獨望時法身山色見佛眼世音知
琴寫僧傳譜牌懸客寄詩空塵侵不得心與白雲期

華嚴閣

義天以華嚴金經舍院元符二年建閣奉之

中爲大層龕一柱八面實以諸經推行不碍謂之輪

藏呂惠卿作閣記南渡後寧宗御書華嚴經閣四字

廣果寺

在惠因寺北開寶八年吳越王建額曰香龕

大中祥符中改今額紹興二年于寺內造虛悅軒棲

鳳軒山龕羅漢後併入惠因寺

毛珣宿廣果寺寺門初掩夜沉沉風逼

寒燈樹影深滿屋夜香僧入懺一顧新茗客搜吟雲

歸古殿聞龍氣月照空池見佛心坐久卻眠眠未穩

屋頭鐘起鵲驚林

法雨寺

在赤山舊志載陳天麟佛殿記云晉天福六

年建初名水心又改雲龍後改法雨重建于寶祐二

禩制幹陳巨川捨鑄洪鐘有鐵塔乃古婕妤孫氏造

植于西偏後移植殿之中唐先講師廣果思公上足

也思寂後寺併入惠因唐先易地建幢斯亦所謂西

沒東湧者矣據此則其寺與惠因廣果二院近也

凝神菴

在赤山遊覽志云道士張達道所居宋高宗

嘗賜白羽扇至元猶存

薩都刺同伯雨遊凝神菴因觀宋高宗賜蒲衣道士張達

道白羽扇

晴日赤山湖水明湖中山影眉青蒲衣道士無人識羽扇年多落鳳翎

寶林寺

在太子灣開寶六年建仁總持治平二年改

額有可賦軒乾道三年充莊文太子攢所景定間遷

建子便門鐵箭巷

范成大寶林寺可賦軒
行雜市聲道旁無處濯塵纓寶林

寺裏

逢修竹方有詩情約畧生○徐集孫可賦軒避

暑

萬箇琅玕爽氣浮何妨暫借著詩流世人奔競

長爲

暑心地清涼卽是秋普供茶瓜醒睡白携枕

簞足

夷猶從今只有山林好浮世炎炎求休○張

昱陪

月中丞訪寶林寺別峯尊師有詩因次其韻

傳呼

載道不如遙驄馬乘風秋氣驕佛運已知當末

劫專

碑猶及見前朝升堂鐘鼓聞三界聽法魚

龍趁

兩潮不有斯文爲世重東坡何以慕參寥

法因寺

在太子灣長興四年吳越王建舊額報慈大

中祥符元年改額嘉定十三年充景獻太子攢所殿

前有古鐵塔錢王井

廣法院 近寶林院臨安志云開寶七年建慶歷中重修有清曠亭後廢清熙四年開府鄭氏請以爲菴額

嘉熙四年充王子齊王功德院

脩吉寺

在太子灣西唐天成三年吳越王建舊額瑞

龍大中祥符元年改額寺內有西湖奇觀南宋安穆
郭成恭夏慈懿李恭淑韓四皇后攢宮皆在其地行
在所錄云四后各爲上下二宮上攢宮下神御每歲
春秋太常卿朝獻監察御史案視內人內侍各以時
詣宮所凡官吏職掌兵士守衛皆如會稽攢陵之儀
四后宅許春秋朝謁

石屋洞

在石屋嶺下高敞虛明衍迤二丈六尺狀如

軒榭可布几筵壁上周鑄羅漢五百十六身中間鑿
釋迦佛諸菩薩像明司禮孫隆又鑿石枰石枕于內
西北有窟甚深杳刻曰蒼海浮螺稍西又一窟儼成
石樓稍北上爲小石屋亦刻佛像宋陳清波有石屋
烟霞洞圖仇遠遊石屋洞 誰壁空青露石均游龍
伸臂下南高鬼神穿鑿地脉碎風雨支撐
天柱牢峭壁蒼苔侵佛髻懸崖滴乳溼僧袍伽藍聞
是香山叟澄暗祠荒沒野蒿○張丹尋石屋山洞
曉行松影碎微陽升幽谷策杖披草露冥搜得石屋
重簷露未晞曲澗翠如複洩雲嚮洞門古苔蝕茶局
冷洽跳潭鯨濯濯啣蒿鹿心契竹籊冠服玩薜蘿服
絛泉愛清深彈琴喜幽獨衆芳何綽約托體冥雲宿

甘溪 源自水樂過石屋洞匯虎跑諸泉入于江

大仁寺 廣運中吳越王建名石屋寺宋宣和三年改

額山頂有石菴天成團欒如鑿高丈餘一名天然菴

咸淳二年建觀音諸天寶閣陳宜中爲記歲久寺圯

明成化間重建邱濬爲記朱葵尊兩宿大仁寺徑

牆防虎穴登閣嚴蠶臺宿鳥翻風去驚

雷觸石迴明當臨絕頂導我一僧來

烟霞嶺 在石屋嶺南以烟霞洞得名俞桂烟霞石壁

寺僻掩幽扉景別金仙地人忘塵世機石滋崖

雨滴龍出洞雲飛結屋同僧處何須賦式微

烟霞洞 祥符圖經云晉開運元年有僧彌洪結禱洞

口遇一神人指此山後有聖跡何不顯之洪尋至山

後見一洞內有石刻羅漢六尊洪既卒吳越王夢僧
告云吾兄弟一十八人今方有六王可聚之夢覺訪
得烟霞洞有六羅漢遂別刻一十二尊以符所夢其
洞極大爲諸洞首內作丹元五彩之色洞口有千官
塔刻南宋諸臣姓名旁有舒嘯亭上井方周紫芝早
發北山由
麥嶺飯六通登烟霞閣瀕湖兩峯高屹立曉相望
蒼涼升海日翫麟露千嶂羸驂絕坡陀巖谷飽追訪
緬懷洪荒初蘊蓄含萬象混沌久已死倏忽真巧匠
誰令鑿空手出此奇嶮狀中虛納遊雲谷靜荅幽唱
暗穴下無底濤聲想悲壯十人老聲聞附石出遺像
誰其駕修椽置屋雲雨上青山不知數繞屋森百丈
忽于兩峯間萬頃見烟浪澎湃海潮聲往往入藜杖
天公愛此山令我拜嘉貺眇焉隔仙凡欲往漫惆悵

清修寺

舊名烟霞寺廣順間吳越王建宋治平二年

改額歲久圯明萬歷間孫隆重建

張丹宿烟霞寺最奇象鼻石萬古

自垂青豈合烟霞相常懸薜荔形洞中搜石佛崖口
寬松苓何日營雲屋朝朝倚翠屏○朱彝尊烟霞寺

過雨佛身溼石乳滴空嵌髣髴龍象泣
濫磴上招提不知幾十級入廚覓泉枯

便當學枯禪綺語獨宿妄自足伴周旋長年此退放
○童漢臣上巳集烟霞洞 梵洞雲藏歲月深金霞
寶樹結空林清和正直蘭亭候歡賞真酬蓮社心古
蔓壁間侵塔影香泉石底度花陰春光總是山中好
禊事何須水畔尋○高應冕上巳集烟霞洞 洞口
春游覽物華白雲芳樹坐烟霞巖迴紫澗分泉細谷
轉青谿帶日斜到處採蘭臨曲水幾人禊飲
過仙家醉歸不省山中出猶道流觴泛落花

西關淨化院

開運三年吳越王建後廢宋孝宗以其

地賜內侍李秉重建佛宇發土得吳越王時寺記龕

置石開咸道三年賈似道修復水樂勝概再爲葺治

還其院額之舊今院復廢其吳越時碑記尙存

月山寺記卷八

九曜山

百

點石菴 亦稱水樂寺屋後有法乳泉去水樂洞盈笏

地流出石罅甚微點滴涓涓冬夏不絕僧斷竹引流

注缸供爨初缸嵌石久與石併一體無別目曰萬年

缸亦一奇也沈峻曾遊南山點石菴路入溪南林壑幽何人卓錫此淹留尋源洞底聞天

籟說法巖前點石頭山鳥不時啼竹徑雨花無數落經樓我來又值清明後一盞新茶問趙州

歸雲菴 在水樂洞旁武林梵志云宋寧宗時有永清

禪師坐石窟中聞南高峯鐘聲悟道萬歷壬子僧海